

# CHANSON NEVEZ

## COMPOSET VOAR SUJET AR HAFÉ

*Var un top ancien*

Tostait oll tud yoane da glevet eur chanson  
Zo composet er blama gant sujet a reson  
An everezel Cafe trac an eferrien guin  
O deus gret quemen ma da laqat da horzin.

Ar guin zo eaz liqueur zo formet gant Doue  
Hac voa bet transplantet gant hon tad coz Noe  
Non pas vel ar hafe zo un dro invantel  
Gant eur vreg malicius eur ar vro an turquet.

Quenta ma leuas biscoas dar vroma ar hafe  
Ne voa nemet an noblans guement a eve  
Ha bréma an oll gomun a ya tout da eva  
An darn voya anezo no deus quet a vara.

Brema me a ziselerio ebarz en abreje  
Ar chanson ma composet var sujet ar hafe  
Etre daou den demezet nem reprochai  
Unan balamour dar guin hac un al dar hafe.

Ebars er blaves mil eiz cant pemzee a pevar  
E savas fachiri goudai gouel a oll zent [uguen  
Ar vreg a yeas en quer gant eur boezellat ed  
Hac a foetas e arhant gant e homerezet.

Pa antreas er hafe e deus bet lavaret  
Me gret evit on arhant e vezimp servichet  
Digassit demp ni cafe hac ive odevi  
Hac eur voutaillad liqueur vit nem regali.

Ar liqueur an odeur a savas en o fenn  
Ma comansjont da zanaal o feder diarhen  
Plah an hed a lavaras ma arhant zo foctett  
Me a efe eur bane rac hoas em eus sehet.

An teir all lavaras neuzai abouez o fen  
Ret eo goelet ma homer peguement ar seoden  
An hostises pa glêvas dan eh zo pignet  
Pa voe arangel ar gont e chome hoas our scoet

An hostises a laras me meus roet da eva  
Ac abars ma sortifot hui ranco va fea  
Rac-se en em aranjel da bea o scoden  
Evidon me a bromet ne po quet a dermen.

Ar merhet en em selle hac o devoa poan ben  
Rac no devoa queta arhant da bea o scoden  
Jacqueta a laras me rey ma devanher  
Ha te ma homer Jannet a rey da vouchouer.

Unan demeus an ezah en deveus bet cavet  
He devoa foctet e vreg ar som a bevar scoet  
Quittat a ras e labour evit donet en quer  
Ebarz e ty ar hafé o havas o feder.

Hac evel ma hantreas en deveus lavaret  
Ha ne heus tai get a vez lavar greg debordet  
Lezel eur buguel bian deomp ni da rusbuellas  
An deirvet nos eo onman nem eus cousquet berat

Aze ama em hichen ha ro peoh emezi  
Quemer un tassat cafe da dremen da anui  
Tao din gant da zour bervet avoalh e heus evel  
Qenta bane a evi me gare vez crevet.

Evidont-te sah ar guin te vepris ar hafe  
Ebarz en hostaliri e vez cavet noz de  
An arhant a honeas etro pad ar zun  
Ne neuz quet re ane da gavet guin a butun

Janicoten emezan brema ni ray ar bal  
Goudai foetta ma danvez donet dam haquetal  
Dre brontitud eur vasat a roas dar vreg qes  
Ma tiscaras d'an doar cafe dien a les.

Ar merhet a laras o feder assembles  
Maquet oh eus ma mignon vont da squei o moes  
Squilliet oh eus ar hafe hui a reng bea  
Pe brema soudan vatan ni ya do tisleva.

Ar peder blah animet a saillas varnezan  
Hac an hostises ive evit e zivleva  
Treinet voe dre an ti e zillat voe roguet  
Hac e vreh betec e scoa gant ar hafe grillet.

Evel ma halas achap e commans redet  
En eur sellet var e lerh evel eur has fouetet  
Darbet ai din emezan cazi col ma bue  
Me garfe e ve beuzet ar merhet er hafe

Etrezoh goaset yaone dioualit o crague  
Pa sint da verza aman na safen dar hafe  
Ar hafe zo debohus dre ma za mad a dous  
Hac a ro tentasion dan ol merhet lipous.

Dre ze oh avertissan ezah eus ar honte  
Ni get de glasq ho crague ispicat dar hafe  
Mar ho peus guers boutaillad barz ho codel  
Querzit dan hostaliri da velet yan vourdel.

Pa ven en hostaliri gant ma hamaradet  
Eur podat guin en hichen ve contant va speret  
Arça eta mignonnet evomp peb a vanai  
Ha canomp oll eur chanson var sujet ar hafe

Ar hafe ar ra domach ebarz en peb canton  
A ma dê ger an aman ne dê get beb rêzon  
An dien a ya ema peb guella eus ar les  
Ha ni entrezomp goaset a sêbr or bara seh.

Ni peurvuya canerien a vepris ar hafe  
Ze zo eos ma reprenomp a merhet a graque  
Ar guin par er hemerer gant modération  
A ro courach deur haner da gana eur chanson.

Poent e cavan finissan amptic em eus comset  
Efit ar seurt a guerfet me ne sourcian get  
Efit guin efit cafe liqueur pe odevi  
Mes dioualit absolu da gavet fachiri.

*Tous droits réservés :*

*GUILLERMIC.*